

Koplescht, den 22te Mäerz 2022

Eng wichteg Matdeelung un all d’Piraten

Ahoi léiwe Member,

Mir als Präsidium wëllen eis heimat an aller Form distanzéieren vun engem Propaganda-Tweet zum Russland-Ukrain-Krich, dee vun eiser Trésorière Lucie Kunakova geliked gouf. Deen Tweet ass absolut geschmacklos an indiskutabel an alt erëm e Bewäis dofir, mat wéi enge verwerfleche Methoden an dësem onméigleche Krich Falschinformationne verbreet ginn.

Eis Parteigremien hu sech direkt der Saach ugeholl an déi betrafte Persoun, déi och Präsidiumsmitglied ass, zur Ried gestallt. D’Lucie Kunakova iwwerhëllt seng Verantwortung an demissionéiert als Trésorière. De Präsidium huet dës Demission akzeptéiert. De Gilles Mertz, Mitglied vum Präsidium, assuréiert den Interim vum Trésoriersposten, dee beim nächste Kongress nei gewiehl gëtt.

A Konformitéit zu eiser Satzung organiséiere mir den nächste Landeskongress fir Donneschdes, den 2te Juni 2022, owes. Auerzäit an Uertschaft kriss du nach fréihzäiteg matgedeelt.

D’Piratepartei deelt a kengster Weis den Inhalt vum Post a veruerteelt de betreffenen Tweet schaarf. D’Pirate weisen nach eng Kéier drop hin, dass si absolut solidaresch mat den ukraineschen Affer vun dëser brutaler a mënscheveruechtender Invasioun sinn. Mir hunn dës Invasioun, vun der éischer Minutt un, ferm condemnéiert. Mir hunn eis dofir agesat, dass esou schnell wéi méiglech drohbar Antipanzer-Missilen NLAW an d’Ukraine geschéckt gi sinn a mir waren et och, déi gefuerdert hunn, d’Chambersgebei an den ukrainesche Faarwen ze belichten. Mir hoffen, dass dës schreckleche Krich esou séier wéi méiglech en Enn fënnt.



GOERGEN Marc
Koordinator

